

Ilinniagaqarnermut akiitsut oqilisaassivigineqartar nissaat pillugu Namminersornerullutik Oqartussat Nalunaarutaat nr. 10, 13. marts 1990-imeersoq

Ilinniagaqarnermut akiitsunut oqilisaassivigineqartarneq pillugu Inatsisartut inatsisaanni nr. 15-imi 23 november 1989-imeersumi §§ 2, 8 aamma 11 naapertorlugit makku aalajangersarneqarput:

Inunnut Kalaallit Nunaata avataani najugaqartunut tapiissutit.

§ 1. Tapiissutit inunnut Kalaallit Nunaata avataani najugaqartunut, ilinniakkaminnillu naammassinnereernerermikkut ilinniarsimasaminnut attuumassuteqartumik imaaliallaannaq Kalaallit Nunaanni suliffittaarsinnaanngitsunut tunniunneqarsinnaapput. Tapiissutinik qinnuteqartup namnineerluni uppersarsagassaraa ilumut suliaq ilinniarsimasami Kalaallit Nunaanni atorfinissutigisinnaanagu, soorlu atorfininniarluni qinnuteqaatit itigartinneqarsimasut uppersarsaatitut saqqummiunnerisigut.

Qinnuteqaat.

§ 2. Ilinniagaqarnermut akiitsunik taarsersuineranut tapiissutit ukiumoortumik qinnutigineqartassapput Pisorta qarfiup qinnuteqarfissatut immersugassaq akuerisaa atorlugu. Immersugassaq taanna najukkami suliffissarsiuussisarfimmit pissarsiarineqarsinnaavoq.

Imm. 2. Qinnuteqaat Pisorta qarfimmut nassiunneqassaaq ukiup akiliiffiusimasup kinguliani 1. april nallertinnagu.

Imm. 3. Qinnuteqaat paasissutissanik makkuninnga imaqartinneqassaaq:

- 1) Ateq, cpr.nr. adressilu. Sumi najugaqarnermut uppersarsaat ilanngunneqassaaq.
- 2) Akiitsut suut taapiissuteqarfigineqarnissaat qinnutigineqarnersoq. Namminersornerullutik Oqartussat qularnaveeqqusiisuliullugit aningaaserivinnit atukkat pineqartillugit aningaaseriviup aqqa, kontollu normua ilanngullugit nalunaarneqartassapput.
- 3) Ukiumi akiliiffiusussami isertitat naatsorsorneqarneri. Akileraarusigassatut isertitat nalunaarutiginerat akileraartarnermi oqartussanit uppersarsarlugu atsiorneqarsimasoq ilanngunneqassaaq.

Imm. 4. Qinnuteqartup sumi najugaqarnera nalorninartoqarpat Pisorta qarfiup nunaqarfimmi isorliunerusumiluunniit sumi najugaqarneq erseqqinnerusumik uppersarsaqqusinnaavaa. Uppersarsaat piumasarineqartoq taanna tunniunneqanngippat qinnuteqartoq illoqarfimmi najugaqartutut isigineqassaaq.

§ 3. Nalunaarummi matumani "nunaqarfiit isorliunerusullu" eqqarsaatigalugit oqarnermi makku pineqarput, takuuk Inatsisartut inatsisaanni § 4, imm. 3:

- 1) Kangaatsiap, Uummannap, Upernaviup, Avanersuup, Tasiilap Ittoqqortoormiillu kommunii,

2) Kalaallit Nunaanni kommunini allani nunaqarfiit, kiisalu

3) Kangerlussuarmi najugaqarfik.

Imm. 2. Illoqarfiit kiisalu "nunaqarfiit isorliunerusullu" agguataarneri allangussagaluarpata tapiissutit annertussusissaannik naatsorsuineri ukiumi akiliiffiusussami 1. jull agguataarisimaneq atuuttoq tunngavigineqassaaq.

§ 4. Nunaqarfinni isorliunerusunilu najugalinnut tapiissutaasartut annertoqartaannik tapiissutisisoqarsinnaavoq, qinnuteqartunut ukiumi akiliiffiusussami sivikinnerpaamik katillugit qaammataini qulingiluaani nunaqarfimmi ataataimi arlalinnilluunniit najugaqarsimasunut imaluunniit isorliunerusuni ataatsimi arlalinnilluunniit najugaqarsimasunut.

Ilinniagaqarnermut akiitsunik isumakkeerfiginninneq.

§ 5. Ilinniagaqarnermut akiitsunik tamakkiisumik ilaannakortumilluunniit isumakkeerfiginnittoqarsinnaavoq, qinnuteqartoq akiliisinnaanermik periarfissaarussimappat. Akiliisinnaanermut periarfissaarussimasutut isigineqaataassapput qinnuteqartoq qinnuteqarfissaq nallertinnagu ingerlaavartumik sivikinnerpaamillu ukioq ataaseq Inatsisartut utoqqalinersiuteqarnermut, inuutissarsiorsinnaajunnaarnersiutinut pisortanullu ikiorsiissutit pillugit peqqussutaat malillugit imaluunniit peqqussutit taakkununga assingusut nutaanerusut malillugit pisartagaqarsimanerit. *Imm. 2.* Akiliisinnaanermut periarfissaarussimasutut aamma isigineqarsinnaavoq, qinnuteqartoq ukiup ataatsip ingerlanerani annertussusilerikkani ikiorsiisarneq pillugu Inatsisartut peqqussutaat peqqussutilluunniit tassunga assingusut nutaanerusut malillugit pisartagaqarnissaminut periarfissaminik nunguutissimappat, aammalu qinnuteqartoq allatigut sulinermigut isertitaqarsimangippat.

§ 6. Ilinniagaqarnermut akiitsut tamakkiisumik ilaannakortumilluunniit § 5 malillugu isumakkeerneqarnissaannut piumasarineqarpoq qinnuteqartoq allatigut aningaasanik isertitamigut aningaasanilluunniit uninngasuuteqarnermigut akiitsunut matusissutissaqarsimassanngitsoq. Akiliisinnaajunnaarneq piffissami sivikitsuinnarmi atuutissappat akilersuiuneq ernialersuinerlu unitsinneqarallarsinnaapput.

§ 7. Ilinniagaqarnermut akiitsut ilinniagaqartup toquneratigut isumakkeerneqarnissaanni piumasarineqarpoq pigisani qimatani akiitsunut tamakkiisumik ilaannakortumilluunniit matusissutissanik peqassanngitsoq.

Imm. 2. Ilinniagaqarnermut akiitsut tamakkiisumik innarluuteqalernerimi isuntakkeerneqarsinnaapput qinnuteqartoq tamatuma nalaani siunissamiluunniit isertitaqanngippat, aningaasanilluunniit uninngasuuteqarani akiitsunut tamakkiisumik ilaannakortumilluunniit matusissutaasinnaasunik.

§ 8. Qinnuteqartup nammineerluni atukkamigut immikkut ajornartorsiuteqarnini tamakkiisumilluunniit innarluuteqalersimanini uppernarsassavaa, matumani siunissami isertitarileruntaagassaminut tunngasut ilanngullugit. Akiitsut isumakkeerfigineqartussat 10.000 kr.-nit amerlanerusut pineqartillugit isumaginninnermi oqartussanit pissutsit ajornakusoortut pillugit oqaaseqaat ilanngunneqartassaaq.

§ 9. Ilinniagaqarnermut akiitsut Inatsisartut inatsisaanni § 8-mi pineqartut isumakkeerneqartussat

inummut ataatsimut 150.000 kr. sinnersimappatigit Naalakkersuisunit akuersissutigineqartassapput.
Akiitsut 250.000 kr. sinnersimappatigit Naalakkersuisunit akuersissutigineqartassapput.

Atortuularsitsineq.

§ 10. Nalunaarut atortuulersinneqarpoq 1. marts 1990 aallarnerfigalugu, ukiumilu akiliiffiusussami 1989-imi atuutissalluni.

Nuuk, 13.marts 1990

Jens Lyberth

/

Ejvind Christoffersen